

“L’insignamentu di e lingue minoritarie : pulitiche, pratiche, sfide”

*Pierre Mathieu Nicolai
Incaricatu di missione lingua è cultura corsa*

I Raggiugli di l’Università

N° 38
Septembre 2006

Contact :
Pierre Mathieu Nicolai
nicolai@univ-corse.fr

Da u 17 à u 21 di Iugliu di u 2006, in cullaborazione incù l’associu di i maestri bilingui “À Scioglilingua” è cù u sustegnu di a CTC, l’Università hà urganizatu un culloquiu nantu à l’insignamentu di e lingue minoritarie.

Stu culloquiu hà adunitu insignanti è ricircadori di 6 paesi ripresentendu 3 cuntinenti (l’Europa, l’America è l’Uceania).

U primu ghjornu ghjè statu cunsacratu à a presentazione di e sfarente delegazione, po à partesi da u marti simu entrati in a parte scientifica di u culloquiu. I partecipanti, ricircadori è insignanti di Corsica, d’Irlanda, di u Canada francufonu, di a Valle d’Aosta, di a Nova Zelanda è di u Paese di Galla, anu scambiatu i so parè è e so sperienze nantu à tuttu ciò chì tocca à l’insignamentu di e lingue minoritarie. S’hè parlatu di l’amparera di a lettura, a gestione di a norma, l’alternanza di i codici, u teatru, e leie trà a scola, e famiglie è a sucietà...



Pascal Ottavi, Alexandra Jaffe

Al dilà di issu caratteru scientificu, emu vulsutu apre stu culloquiu à tutti quelli chì so interessati pè u prublema di a lingua, ancu un essendu « specialisti ». L’ultimu ghjornu ghjè statu l’uccasione per tutti di participà à stu culloquiu cù una ghjurnata aperta à a sucietà civile.

I partecipanti sò stati numerosi (quasi una centinaia). Dopu à una presentazione di e sfarente regione è di e so situazione istituzionale (assai impurtante pè capisce a piazza di a lingua in a sucietà), c’hè statu un dibattitu interessante trà u publicu, l’insignanti è i ricircadori. Ognunu (pulischi, parenti d’allevi, studenti, insegnanti, rapresentanti d’associi...) hà possutu sprime si nantu à e misure à piglià in Corsica per ghjunghje à mette in ballu una vera pulitica linguistica cume si pò fà in d’altri paesi.

